

大寶積經

卷之三

七十九
人三

47571



元祿九年丙子二月日重脩

皇圖 聖蹟 聖蹟 聖蹟

佛日 增輝 機輪 常轉

山城州天安寺法金剛院置



大寶積經卷第六十三

高齊北天竺三歲那連提黎耶舍奉 詔譯

菩薩見實會第十六之三

本事品第四



尔時慧命摩訶迦葉見諸阿脩羅王供養佛
已生希有心作是思惟世尊本修菩薩行時

作何善根得是果報時迦葉即入如

以其三昧嚴心力故憶念過去阿僧

祇劫如來所修一切功德於彼彼道彼彼生

中所修善根皆為滿足無上菩提以此善根

得住不退轉地彼諸善根皆得念知尔時迦

葉憶念如來大善根時作如是心如佛所習



善根廣大如來一一發心善根如十方世界
恒沙剎土其中衆生皆得人身得人身已衆
生如恒沙劫供養善逝亦如脩羅一一衆生
如恒沙劫供養如來已不能報如來一發心
善根尔時慧命摩訶迦葉從三昧起以偈讚
曰

一一如來牟尼尊發心廣大向善提
此脩羅等所供養佛迦羅分不及一
世尊應供人中上如須彌山栴檀聚
人天中勝所供養由度功德彼岸故
人中師子應受供過諸恒河沙數等
譬如大海滿中水香水和合而供養

具足功德應受供

多於恒河沙數等

積滿華聚而供養

猶如斫迦婆羅山

自然大士應受供

如須彌山燈明炷

大海以為香油器

以燈供養諸勝者

應受供養大威勢

多於恒河沙數等

造立塔廟而供養

由度功德彼岸故

人中堅固應受供

以諸廣大勝寶蓋

其蓋徧覆三千界

經於那由他劫數

憐愍世間人中尊

無邊功德應受供

以諸寶幢所供養

徧滿十方諸世界

於不思議億劫數

以廣大幡而供養

滿恒河沙諸世界

經於無量億劫數

供養如來人師子

起於分別作譬喻

大論師中師子子

諦聽諦聽諸天人

我及諸來在此衆

若如恒河沙數等

諸有十方世界衆

一切皆當得作佛

具足十力人師子

彼佛頭數如恒沙

一一皆有恒沙頭

於一一頭如恒沙

各各皆有恒沙口

彼於一一無量口

有於無量沙數舌

以舌讚歎於如來

彼諸如來說不盡

功德彼岸不可到

一切智智不可量

由度功德彼岸故

尔時世尊告諸比丘言善哉善哉諸比丘我

諸聲聞端直而住有智有法亦如梵天乃能

入我功德海中何以故如來具足無量功德
具足不思議功德諸比丘如來功德聚不可
思議諸比丘如來功德聚若是色者一一發
心所得功德如恒河沙等世中所不容受
何以故諸比丘如來一一發心功德一切智
所攀緣處如恒沙等諸佛如恒沙等劫不能
思量說不可盡何以故如來本修菩薩行時
無一發心不為利益一切眾生眾生所攝者
無一發心不為一切眾生眾生界無邊際其
中眾生亦無邊際所有眾生界無邊際如來
一一發心功德亦無邊際何以故如眾生界
無邊際如眾生界不可量如來一一發心功

德聚不可窮盡皆為憐愍利益安樂一切衆
生故是故發心假使一切衆生供養時不能
報如來一發心功德何以故彼諸衆生供養
如來皆為怖望雜食世報故菩薩本發心離
於雜食求世報心為利益安樂衆生故欲令
衆生背於生死趣向涅槃如來本修菩薩行
時為利益安樂衆生離於雜食不求世報佛
告諸比丘於過去世無量無邊流轉生死阿
僧祇不可思議無始世畧不可說劫中有佛
号曰因陀幢王出現於世如來應供正偏知
明行足善逝世間解無上士調御丈夫天人
師佛婆伽婆彼佛如來以一一發心如恒沙

等世界中曾爲衆生作利益安樂思量廢心
比丘彼因陀幢如來作佛時恒河沙世界同
一佛刹其因陀幢如來應供正遍知國土嚴
淨離於惡趣及以八難是因陀幢如來應供
正偏知其國土中所有衆生住正定聚其邪
定衆生增上慢衆生一向皆無不淨身業不
淨口業不淨意業一切皆無亦無惡趣煩惱
作惡趣業何以故因陀幢如來教是衆生令
其發心止一切惡以其善法授令修學是因
陀幢如來國土中曾得五種樂所謂一得欲
樂二得出家樂三得禪樂四得三摩跋提樂
五得無上菩提樂彼諸衆生雖受其樂而不

貪著譬如蜜蜂但取其味不取華色彼諸衆
生亦復如是雖受其樂而不取著譬如飛鳥
空中而行不著其空如是衆生雖受其樂而
不取著亦復如是是因陀幢如來應供正徧
知其佛土中所有衆生無有憂苦唯有喜樂
亦無不苦不樂受愚癡無故唯有稱心之樂
何以故彼諸衆生本修善故由彼因陀幢如
來本修菩薩行時現諸相好令彼衆生不作
一切惡安置衆生修習善法彼等次第離諸
惡道安於善處彼等於一切種不善業一向
悉無其所作業得果報時心不欣樂生苦受
者無有是處不作惡業不受苦果故愚癡無

故不苦不樂受亦無彼因陀幢如來佛土中
一切時恒無惡風暴雨亦無毒熱彼諸衆生
時節變易苦一切皆無彼因陀幢如來本修
菩薩行時彼佛土中其諸衆生一切身業智
上首智順轉演說開示正顯如是
一切口業
智上首智順轉演說開示正顯如是
一切意
業智上首智順轉演說開示正顯如是
彼諸
衆生從彼菩薩問已彼諸衆生一切身業一
切口業一切意業智上首智順轉迴向以善
業故愚癡報不生以其愚癡故受不苦不樂
受彼諸衆生於彼佛土中苦受不苦不樂受
一向皆無以離愚癡故彼諸衆生生彼國土

時其因陀幢如來教化已於法敬重若遊行
時思量於法愛欲於法染著於法彼等心生
愛欲染著於法遊行時無有苦受行住坐卧
睡寤乃至無有威儀之苦彼諸衆生在國土
中無惡可順以無惡故無苦可生於善無著
以是因緣彼諸衆生善順無故變易苦無於
諸法中不生貪著是故壞苦不生亦無怨憎
會苦何以故由彼衆生於一切衆生中得住
平等心現前是故無有怨憎會苦亦無愛別
離苦何以故由彼衆生於一切法不著故其
愛別離苦從愛而生是故無有愛別離苦苦
若亦無何以故於樂受不生著故唯有行苦

所謂無常苦何以故。彼佛唯說第一義。故彼
佛住世經恒沙劫。於彼佛刹無一衆生與佛
競論者。來生其國。何以故。由彼如來本行善
薩時。成麤衆生。故佛告諸比丘。於意云何。能
以下善根少善根不善習善根不善相應善
根非大精進善根非善趣善根非善發善根
非善迴向善根可能利益如是等衆生。能與
樂除苦耶。可能淨如是廣大國土成熟如是
多衆生耶。諸比丘言不也。世尊佛復告諸比
丘。言於意云何。可以下心怯弱不善根相應
心非精進心非善習根心非善趣心非善發
善根心非善迴向心可能利益如是等衆生。

思惟與樂能除苦耶。可能嚴淨如是廣大佛
刹成熟如是多衆生耶。諸比丘言不也。世尊
佛復告諸比丘。言於意云。何可以下信少信
羸信怯弱信不善相應信非精進信非善集
善根信非善趣信非善發善根信非善迴向
信能利益如是等衆生除苦與樂耶。能嚴淨
如是廣大佛刹成熟如是多衆生耶。諸比丘
言不也。世尊佛復告諸比丘。於意云。何可
以下戒少戒羸戒非精進戒非善集善根戒非
善趣戒非善發善根戒非善迴向戒能利益
如是等衆生除苦與樂耶。能嚴淨如是廣大
佛刹成熟如是多衆生耶。諸比丘言不也。世

尊佛復告諸比丘言於意云何頗以下精進
少精進羸精進怯弱精進非相應精進非精
進精進非善集善根精進非善趣精進非善
發善根精進非善迴向精進能利益如是等
衆生除苦與耶及能嚴淨如是廣大佛刹樂
成熟如是多衆生耶諸比丘言不也婆伽婆
佛復告諸比丘於汝意云何頗以下念少念
羸念怯弱念非相應善根念非精進念非善
集善根念非善趣念非善發善根念非善迴
向念能利益衆生及思惟與樂耶及能嚴淨
如是廣大佛刹成熟多衆生耶諸比丘言不
也世尊佛復告諸比丘言於汝意云何頗以

下定少定羸定怯弱定非相應善根定非精
進定非善集善根定非善趣定非善發善根
定非善迴向定能利益衆生思惟與樂耶能
嚴淨如是廣大佛刹及能成熟如是多衆生
耶諸比丘言不也世尊佛復告諸比丘言於
汝意云何頗以下慧少慧羸慧怯弱慧非相
應善根慧非精進慧非善集善根非善趣慧
慧非善發善根慧非善迴向慧能利益衆生
思惟與樂耶能嚴淨如是廣大佛刹及能成
熟如是多衆生耶諸比丘言不也世尊佛告
諸比丘言諸比丘實如是不以少善根少戒
少信少精進少念少定少慧能利益衆生及

思惟與樂離苦耶能嚴淨廣大佛剎成熟如是多衆生耶佛告諸比丘於意云何彼時因陀幢如來汝知誰也如來問已諸比丘嘿然不答當於今時東方過如恆沙等諸佛世界有世界名曰月光莊嚴彼土有佛号高威德王如來應供正偏知今現任世文殊師利在彼衆中即知釋迦牟尼心念已即白高威德王佛言今釋迦如來在娑婆世界說法世尊我今往彼見釋迦如來禮拜聽法供養恭敬作是請已時高威德王如來告文殊師利任意而去今正是時今時文殊師利童子從座而起偏袒右肩右膝著地頭面禮高威德王

如來右邊三匝譬如壯士屈伸臂頃時文殊
師利在彼月光莊嚴世界中沒釋迦牟尼佛
前出頭面接足敬禮如來却坐一面白佛言
世尊昔時因陀幢如來者今即世尊是也何
以故由是世尊具足不可思議諸善方便能
成熟衆生淨佛國土恒不疲倦亦無厭足故
世尊安置衆生住菩薩乘亦無厭足若有實
語人作正語者勝中之勝勝中之妙勝中上
首最勝中最勝言佛如是者當知釋迦牟尼
佛真實無異時文殊師利而說偈言
雄猛巧方便 憐愍諸世間 現大威神力
成熟衆生故 已於過去世 曾作八億佛

猶自有神力 無心取正覺 六十二、三千

清淨佛國土 淺識不知佛 牟尼功方便

不捨初發心 彼彼處處現 更於未來世

示現無量佛

迦樓羅王授記品第五

尔時獲有八億六千萬金翅鳥王 見諸阿脩

羅供養世尊 及得授記 已於如來所生無等

敬信踊躍欣喜 為供養故 化作八億六千萬

殿堂 純以諸天七寶莊飾 甚奇微妙 一一殿

堂七重 构欄四寶 所成微妙 第一所謂金銀

琉璃玻瓈金构欄者 金為尋梁 及作衆柱 銀

為曲椽 銀构欄者 銀為尋梁 及作衆柱 金為

曲椽毘琉璃构欄以毗琉璃而為梁柱。頗黎
 為椽。頗黎构欄。玻璃梁柱。毗瑠。瑠椽。彼諸殿。琉
 堂。周匝四面。垂七寶鈴。所謂金銀琉璃玻璃
 真珠。碑磬。碼碯。其寶精奇。微妙第一。是諸殿
 堂。復以七寶羅網。覆上。所謂金網。銀網。毗琉
 璃網。玻璃。璽寶網。赤真珠網。碑磬之網。碼碯網。
 等微妙第一。復更化作八億六千萬七寶之
 蓋。微妙奇特。所謂金銀乃至碼碯。復更化作
 八億六千萬七寶妙幢。所謂金銀乃至碼碯
 青幢。黃頭黃幢。青頭赤幢。白頭白幢。赤頭雜
 色之幢。純色為頭。純色之幢。雜色為頭。復更
 化作八億六千萬七寶妙幡。有種種色嚴淨

第一樓更化作八億六千萬七寶之帳所謂
金銀乃至碼碯寶線識成微妙第一爾時諸
金翅鳥王持是八億六千萬七寶殿堂八億
六千萬七寶之蓋八億六千萬七寶之幢八
億六千萬七寶之幡八億六千萬七寶之帳
悉以奉獻如來世尊既奉獻已被諸鳥王及
供養具於虛空中遶佛三匝譬如唵羅婆那
象王於三十三天頂戴諸天乘空而遊詣波
利質多羅樹彼諸鳥王持是殿堂蓋幢幡帳
飛騰虛空遶佛三匝亦復如是爾時彼諸鳥
王敬遶佛已却住一面曲躬合掌衆共一音
以偈讚曰

歸命出離生死者

歸命救度生死人

歸命無等堅固士

歸命無上無等聖

願我當得堅固身

三十二相自嚴飾

獲有八十隨形好

唯願我等如導師

願我圓先具威德

形願功德皆成就

願得第一佛威儀

令他心淨證寂滅

願具持戒三摩提

亦得諸佛上智慧

願悉作佛度群有

如佛今作世導師

世尊我願具十力

亦到十八不共岸

成佛智慧過世間

如今如來上中上

亦知眾生無體性

如幻如夢無所依

宜說如響如虛空

如佛今日為衆說

今時世尊知諸鳥王得敬信已現微笑相是時慧命馬勝比丘見佛微笑以偈問曰

人中無上勝導師 非是無事現微笑

愍世間者為我說 現此微笑何因緣

彼諸鳥王已供佛 寶殿幢幡空中現

今此天人生希奇 願兩足尊說是義

一切大衆合掌住 深心清淨皆欣喜

願明金翅未來果 願兩足尊說此義

人中最勝若說已 一切大衆皆無疑

大衆離疑得無畏 如來智能令欣喜

大衆欣喜得無畏 離諸過惡心清淨

彼衆樂聞如來說 猶如弟子受師言

願斷大衆心所疑
願佛攝受令解躍
大衆欣喜皆來集
願說金翅當來果

尔時世尊以偈答慧命馬勝言

十力真實超一切
八伎梵聲悉具足

降伏諸根爲馬勝
說於金翅未來果

善哉馬勝問是義
我現微笑愍世間

諦聽彼報以悅意
心當欣喜除疑網

烏王於我設妙供
爲求無上善得果

十種智力四無畏
得彼法故成導師

後求十八不共法
此等金翅供善逝

亦求堅固不壞身
三十二相八十好

求佛淨戒三摩提
諸佛境界大智慧

成就淨土度世間

金翅求此供養我

彼等信心供我已

智者能離畜生趣

當必得生於天上

此是惡道最後身

彼等後如恒沙劫

常生人中及天上

供養無量諸佛已

當得作佛伏諸根

彼佛國土無惡趣

具足身相離八難

八億四千萬歲中

憐愍世間敬位世

彼佛同名普端正

其劫名曰須彌幢

彼時一切諸善逝

位壽佛事皆悉同

彼佛離熱度煩惱

一一諸佛八十會

一一會中八億人

離於憍慢得自在

以彼本有金色身

大力常懷憍慢故

彼成佛時為衆生

除斷憍慢轉法輪

彼等過去已曾為

修極苦行仙人衆

其數八億六千萬

凡所修行為神通

彼諸仙人得通時

歎已苦行為希有

不犯禁戒具功德

居住林中生憍慢

以慢故生金翅中

以通心故具神力

戒清淨故得見佛

以慢故忘菩提心

如是佛授善提記

及訖金翅本所生

大衆聞已皆欣喜

喜已皆成善提器

龍女授記品第六

今時九億六千萬龍女見諸阿脩羅迦樓羅

供養世尊及授記已心生欣喜彼得歡喜踊

悅稱心於世尊所起心供養化作九億六千
萬蓋皆七寶成毗琉璃網以覆其上赤真珠
寶以為網綠金為蓋藍毗琉璃寶以為蓋子
數有百千雜寶琉璃垂下四面化作九億六
千萬馬青馬青色青光諸莊嚴具一切
皆青毘琉璃寶以為轡鞅於上虛空中化作
大威德摩尼寶車於其上復有寶殿縱廣
正等六十由旬其殿徧覆諸來大眾其殿四
面化作九億六千萬衆寶琉璃周徧垂下甚
奇微妙其諸光教奪人心目化作寶網徧覆
殿上復有寶鈴懸殿四廂化作七寶鶴鵠白
鶴以次飛行遶殿四面又復化作九億六千

萬種諸龍音樂時諸龍女乘彼青馬各擲寶
蓋於虛空中自然遊行是諸龍女各取樂器
奏諸音聲遶佛三匝以天栴檀末天沉水末
多摩羅葉末天真金末及諸龍華鬘復化作
種種之華而散佛上復以優波羅華旒種
種種雜色衆華旒種種種無量雜香旒種種
無量雜色之衣種種無量雜色瓔珞以用散
佛廣設供養亦如彼諸阿脩羅王今時九億
六千萬龍女作音樂時以佛神力其聲徧滿
三千大千佛之世界其中衆生聞是聲者於
阿耨多羅三藐三菩提得不退轉於大威德
衆寶殿中及寶旒衆鳥行間諸寶鈴網繳

風吹擊出妙音聲其聲和雅甚可愛樂磨如
百伎音樂善巧學人之所擊叩所出音聲和
雅可愛於彼大威德殿乃至鈴網所出之聲
亦復如是此聲亦遍三千大千佛之世界其
中衆生若聞聲者於阿耨多羅三藐三菩提
亦不退轉尔時彼諸龍女復更雨於種種天
華種種天香與水俱下其香華氣順風逆風
不順不逆皆悉能去以香水故於迦毗羅城
縱廣正等六十由旬皆成香泥其香泥氣徧
滿三千大千世界其中衆生聞是香氣亦於
阿耨多羅三藐三菩提得不退轉尔時彼諸
龍女供養佛已及九億六千萬蓋九億六千

萬馬九億六千萬音樂一切衆寶莊嚴其華
於虛空中頭面禮佛右遶三帀却位一面曲
躬合掌以偈讚曰

諸龍女等有智慧

心意踊悅生欣喜

供養釋迦牟尼佛

願求安隱大菩提

化作九億六千萬

寶蓋及與妙莊嚴

供養善逝善調心

出離一切諸障礙

復化九億六千萬

妙馬及與莊嚴具

馬與莊嚴皆青色

亦復更有青色幢

彼馬一切空中行

詣於佛所作供養

龍女咸有信敬心

頭面頂禮如來足

於龍宮中化音樂

為供養故而持來

來已奉上釋迦文

應受供養大導師

善逝令彼音樂聲

徧滿三千大千界

無量衆生得聞已

皆悉不退菩提心

彼諸龍女於空中

化作一大衆寶殿

縱廣由旬有六十

徧覆十方一切衆

寶名威德熾然光

普照十方大千界

彼諸龍女大衆前

淨心欣喜供養佛

生於踊悅無等心

為求安隱菩提果

願令我等當作佛

利益一切衆生故

我等願於無量衆

說法度諸煩惱纏

亦如十力大導師

現救苦惱衆生等

一切諸法如幻焰

亦如冰沫不堅實

又如注雨所起泡
當知諸法無有生
衆生如像亦如影
如是觀察世間已
唯願我等為衆說
法性真如及實際
如佛無過善見法
虛偽妄相誑愚者
如幻莊嚴無有實
唯能惑亂諸凡夫
衆生於法迷無智
不知諸法如實性
導師已見彼岸法
復能令他衆生解
虛空與雲徧覆地
見彼空雲猶如影
彼無體實無所依
亦復如影無有實
如是衆生無體性
唯能誑惑諸根門
佛智如是見有趣
但能誑惑無智者
世間尊重以此業
於智慧人作利益

如來示現無體性

一切衆生真實故

唯以實法悅預子

生死泥中作橋梁

愚癡實法非境界

由於著聲不求義

以佛無過我歸依

具足示現真實者

能與愚夫作親救

歸趣舍宅善知識

如是為求大菩提

我等供養尊導師

願得作佛覺寤他

利益世間猶如佛

今時世尊知諸龍女得深信已現微笑相

時慧命馬勝比丘以偈問曰

於世智中勝智者

最勝導師現微笑

尊重堅固德如山

今現微笑非無因

人中最上勝尊主

願為說此笑因緣

天人龍鬼若得聞
世間導師於世間
無有一法佛不解
唯願善逝見為說
一切大眾若得聞
如來妙法有大利
大眾若得寂定心
佛力令斷分別已
若得聞於笑因緣
若人於法情有疑
現今此會大眾是
大眾堪能斷疑斷
於佛皆生大欣喜
常知一切因緣法
因緣種類佛悉知
如佛所知笑因緣
皆生欣喜除疑網
此等大眾必當獲
由味妙法利益故
唯樂善得聽佛說
當必成就於佛道
其心掉動生苦惱
不知微笑因緣故
唯願導師令除滅

速為衆說度我等

以何因緣現微笑

誰於今日心清淨

誰於今日降魔怨

誰於佛所生敬信

誰於今日供養佛

唯願導師大衆前

演說誰有如是力

我等聞已生喜心

生喜心已得安樂

此諸大衆咸敬禮

一切皆有疑網心

願說笑因生喜故

唯願世尊斷衆疑

此諸天人得聞已

大衆當得無疑網

若得聞於如來說

一切當得欣喜心

今時世尊以偈答慧命馬勝言

善哉善哉慧馬勝

能問如來笑因緣

見諸龍女供養已

我愍世閒故微笑

我今為汝說彼果

離諸過惡至心聽

我今所為現微笑

汝馬勝等聽我說

此諸龍女心無著

求大菩提修進行

以智慧修世間空

決定安住菩提道

於此無作無受者

亦無生者養育者

但有諸法無餘事

其法亦妄如焰像

以知恩故供養我

能以智慧知真實

善哉佛解諸世間

所謂能見空無主

彼樂此空善修習

雖設供養猶如幻

於勝菩提所發願

觀彼菩提亦無著

此以無等供養佛

亦觀眾生空寂已

永離龍道惡趣身

與彼帝釋天中住

在忉利天極受樂

盡彼天子壽命已

無能毀訾彼名稱

復得生彼夜摩天

居止夜摩天宮時

具受彼天勝妙樂

諸佛子等住彼中

乃至盡彼天壽量

此諸佛子具受樂

盡彼夜摩天壽已

復得往生兜率天

與彼處天同其類

為諸天女常圍遶

具受彼天勝妙樂

心無所著住善道

譬如蓮華水不汙

彼天能以大智慧

觀察一切世間空

猶如畫石字不滅

彼念不共亦如是

彼諸天子居彼天

具受彼中勝妙樂

於彼善道盡壽已

當更往生化樂天

彼得善名無能毀 為諸天女勝供養
雖任天宮心無著 乃至盡彼天壽限
於彼化樂天宮中 具受彼天勝樂報
彼智慧者命盡已 於一切法得究竟
往生他化自在天 作大商主信清淨
任彼天中心無染 如是住時愛樂法
彼等居彼天宮殿 受彼極妙五欲樂
無思癡者住善道 乃至盡彼限壽量
雖受天欲見其過 樂求寂定及涅槃
修習獲得禪定已 命終即生梵天中
於梵宮中善知禪 受彼禪果寂滅樂
智慧無等住一劫 願求無上大菩提

住彼梵宮一劫時 善住威儀求智慧
方便以利益世間 廣作無邊無有量
智住梵宮樂在禪 於禪不著而寂滅
知著禪樂亦是過 諸根寂定求菩提
於一切處心信解 皆得安住菩薩行
知諸禪定處誑相 唯求寂滅火涅槃
彼諸佛子於彼中 求於安隱菩提果
在彼天宮心清淨 思利世間善調心
諸梵天等自然教 彼說梵教非出世
唯有諸佛菩提道 究竟能得出世間
梵天當時生信已 發心安住於佛道
知彼梵天自然教 非是究竟出世道

於善逝法彼相應 為於世間說是法
如彼法眼所說果 今彼聞者速能知
彼等任彼梵官時 作諸利益世間已
能令無量那由他 億眾安住菩提道
彼於無量那由他 當得供養一切佛
後於未來星宿劫 諸根寂靜當作佛
諸天人龍阿脩羅 金翅夜叉乾闥婆
鳩槃荼鬼緊那羅 一切大眾皆欣喜
彼等一切佛教化 於佛法中得力已
皆悉欣喜合指掌 稽首頂禮於佛足

大寶積經卷六十三

炷音注 逕正作 睡寤 寤下音也 羸力垂 鈎上音 鈎上音

下音蘭 標正作 曲稜 窻下音也 綫錄字 晒上音 羅一作

又音因 縵上音 韃上音 苦貢及 繫馬 駕也 下 四痛 痛下正作

鶴上音 鶻上音 蒼下 泡音地 毀訾 下音紫 亦作 訾訶 一也

于時元祿龍集辛巳冬十月 東京宝院散釋周愿騰寫鷓巢窻下



